

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N09
(გამარტივებული შესყიდვა)

ქ.თბილისი

21 იანვარი 2015 წელი.

ერთის მხრივ, სსიპ „საქართველოს დაზღვევის სახელმწიფო ზედამხედველობის სამსახური“ (შემდგომში – „შემსყიდველი“), წარმოდგენილი სამსახურის უფროსის იოსებ გოგოლაშვილის სახით და მეორეს მხრივ შპს „იბერია ტექ ავტომოტივი“ (შემდგომში – „მიმწოდებელი“), წარმოდგენილი დირექტორის ლაშა მიგინეიშვილის სახით წოდებული მხარეებად, ორმხრივი შეთანხმების საფუძველზე, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „თ“ ქვეპუნქტის შესაბამისად ვდებთ წინამდებარე ხელშეკრულებას შემდეგზე:

მუხლი 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.2. „დღე“, „კვირა“, „თვე“ - კალენდარული დღე, კვირა, თვე.
- 1.3. „შემსყიდველი“ - ორგანიზაცია, რომელიც ახორციელებს შესყიდვას.
- 1.4. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.5. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების ობიექტი

- 2.1. წინამდებარე ხელშეკრულების ობიექტს წარმოადგენს ძრავიანი მსუბუქი მანქანისათვის საბურავების შესყიდვა (CPV 34351100), ინვოისის მიხედვით.
- 2.2. შესყიდვის ობიექტის რაოდენობა, ერთეულის ფასი და ძირითადი ტექნიკური მახასიათებლები წარმოდგენილია დანართი №1 –ში, რომელიც წარმოადგენს ხელშეკრულების განუყოფელ ნაწილს.

მუხლი 3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 400.00 (ოთხასი) ლარს.
- 3.2. ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი, რომლის გადახდა ეკისრება „მიმწოდებელს“.

მუხლი 4. საქონლის მიწოდების ადგილი და ვადა

- 4.1. საქონლის მიწოდებისა და მასთან დაკავშირებული მომსახურების გაწევის ადგილია ქ. თბილისი, მარშალ გელოვანის გამზირი №36
- 4.2. საქონლის მიწოდება და მასთან დაკავშირებული მომსახურების გაწევა განხორციელდება ერთ ეტაპად, ხელშეკრულების დადებიდან 05 (ხუთი) სამუშაო დღის ვადაში.

მუხლი 5. საქონლის მიღება-ჩაბარება

5.1. საქონლის ფაქტიურად მიღების შემდეგ მხარეებს შორის დაიდება მიღება-ჩაბარების აქტი, რომლის საფუძველზეც “მიმწოდებელი” “შემსყიდველს” წარუდგენს სასაქონლო ზედნადებსა და საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

მუხლი 6. ანგარიშსწორების პირობები:

6.1. ანგარიშსწორება მხარეთა შორის ხორციელდება უნაღდო ანგარიშსწორების წესით, “მიმწოდებლის” მიერ მითითებულ საბანკო ანგარიშზე.

6.2. ანგარიშსწორების საფუძველია მხარეების უფლებამოსილი პირების მიერ დადებული მიღება-ჩაბარების აქტი, წარმოდგენილი სასაქონლო ზედნადები და საგადასახადო ანგარიშ-ფაქტურა.

6.3. “მიმწოდებელთან” ანგარიშსწორება განხორციელდება 5.1. მუხლით გათვალისწინებული დოკუმენტაციის წარდგენიდან 15 (თხუთმეტი) სამუშაო დღის ვადაში.

მუხლი 7. მხარეთა უფლება-მოვალეობანი

7.1. “შემსყიდველი” უფლებამოსილია:

7.1.1. საქართველოს კანონმდებლობის შესაბამისად შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში;

7.1.2. აწარმოოს საქონლის ხარისხის ინსპექტირება ხელშეკრულების შესრულების ნებისმიერ ეტაპზე.

7.2. “შემსყიდველი” ვალდებულია:

7.2.1. მოახდინოს ანგარიშსწორება მიმწოდებელთან წინამდებარე ხელშეკრულების მე-6 მუხლით გათვალისწინებული წესისა და პირობების შესაბამისად;

7.3. “მიმწოდებელი” უფლებამოსილია:

7.3.1. მიიღოს მიწოდებული საქონლისათვის ხელშეკრულებით გათვალისწინებული ანაზღაურება.

7.4. “მიმწოდებელი” ვალდებულია:

7.4.1. მიაწოდოს „შემსყიდველს“ ნივთობრივად და უფლებრივად უნაკლო საქონელი;

7.4.2. შეტყობინების მიღებისთანავე განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე;

7.4.3. საკუთარი რესურსებით უზრუნველყოს „შემსყიდველი“ ინსპექტირების ჩატარებისათვის ტექნიკური საშუალებებით და სხვა სამუშაო პირობებით, ხოლო, „შემსყიდველის“ მოთხოვნის საფუძველზე აუცილებელი პერსონალით.

მუხლი 8. დაუძლეველი ძალა

8.1 მხარეები თავისუფლდებიან ხერხეკულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

8.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა მეორე მხარეს მათი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ გათავისუფლდება ნაკისრი ვალდებულებებისაგან.

8.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 9. ხელშეკრულების პირობების და ფასების გადასინჯვა

9.1. ხელშეკრულებაში ცვლილებები და დამატებები შეიძლება შეტანილ იქნეს ორივე მხარის თანხმობით; ცვლილებების და დამატებების შეტანა ხორციელდება წერილობითი ფორმით;

9.2. ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს ხელშეკრულების ჯამური ღირებულების 10 (ათი) პროცენტისა;

9.4. ხელშეკრულების პირობების ნებისმიერი ცვლილება უნდა დაიდოს “შეთანხმების” სახით, რომელიც ჩაითვლება ხელშეკრულების განუყოფელ ნაწილად;

9.5. ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან.

მუხლი 10. ხელშეკრულების შეწყვეტა

წინამდებარე ხელშეკრულების შეწყვეტის საფუძვლებია:

10.1. მხარეთა შეთანხმება;

10.2. ხელშეკრულებით ნაკისრი ვალდებულებების შესრულება;

10.3. საქართველოს სამოქალაქო კოდექსის 399-ე მუხლით განსაზღვრული შემთხვევა;

10.4. საქართველოს კანონმდებლობით გათვალისწინებული სხვა შემთხვევები.

მუხლი 11. დავის გადაწყვეტა

11.1. მხარეები სადავო საკითხებს წყვეტენ ურთიერთშეთანხმების საფუძველზე;

11.2. თუ ასეთი შეთანხმება ვერ იქნება მიღწეული, მხარეთა შორის დავა გადაწყდება საქართველოს სასამართლოში, საქართველოს მოქმედი კანონმდებლობით დადგენილი წესის შესაბამისად.

მუხლი 12. ხელშეკრულების პირობების შეუსრულებლობა

12.1. ხელშეკრულების პირობების არაჯეროვანი შესრულების ან შეუსრულებლობის შემთხვევაში, მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.

12.2. საქონლის მოწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მოსაწოდებელი საქონლის ღირებულების 0,2 (ნოლი მთელი, ორი მეათედი) პროცენტის ოდენობით.

12.3. მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 05 (ხუთი) პროცენტის ოდენობით.

მუხლი 13. ხელშეკრულების შესრულების კონტროლი

13..1. ხელშეკრულებით ნაკისრი ვალდებულებების შესრულების კონტროლს განახორციელებს:
13.1.1. საფინანსო-ადმინისტრაციული დეპარტამენტის შესყიდვების და სამეურნეო საკითხების სპეციალისტი - დავით გულიაშვილი.

მუხლი 14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2015 წლის 01 მარტამდე.

მუხლი 15. განსაკუთრებული პირობები

15.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;

15.2. ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს თანაბარი იურიდიული ძალა აქვს.

15.3. ხელშეკრულების 1 (ერთი) ეგზემპლარი ეგზავნება "მიმწოდებელს", ხოლო 2 (ორი) ინახება "შემსყიდველთან".

მუხლი 16. მხარეთა რეკვიზიტები:

„შემსყიდველი“	„მიმწოდებელი“
სსიპ „საქართველოს დაზღვევის სახელმწიფო ზედამხედველობის სამსახური“ ქ. თბილისი, თ. აბულაძის ქ. №34 სახელმწიფო ხაზინა ს/კ 205 305 025 სამსახურის უფროსი  /ი. გოგოლაშვილი/	შპს „იბერია ტექ ავტომოტივი“ მისამართი: ქ. მცხეთა, დ. აღმაშენებლის ქ. სს „საქართველოს ბანკი“ კოდი: BAGAGE22 ანგ № GE29BG0000000153512100 ს/კ 236 093 473 დირექტორი  /ლ. მიგინეიშვილი/

ხელშეკრულება სახელმწიფო შესყიდვის შესახებ №09

21.01.2015

დანართი №1

№	ს ა ქ ო ნ ლ ი ს დ ა ს ა ხ ე ლ ე ბ ა	რაოდენობა	ერთეულის ფასი	სულ ფასი
1	საბურავი 205/55 R16 91 V TL „Continental premium contact 5”	2 ცალი	200.00	400.00

ჯამი: 400.00 (ოთხასი) ლარი

ღირებულებაში შედის დღგ, ასევე საბურავის მოხსნა/დაყენება/ბალანსირება.

„შემსყიდველი“	„მიმწოდებელი“
სსიპ „საქართველოს დაზღვევის სახელმწიფო ზედამხედველობის სამსახური“ მისამართი: ქ. თბილისი, თ.აბულაძის ქ. №34 სახელმწიფო ხაზინა ს/კ 205 305 025 სამსახურის უფროსი /ი. გოგოლაშვილი/	შპს „იბერია ტექ ავტომოტივი“ მისამართი: ქ. მცხეთა, დ. აღმაშენებლის ქ. სს „საქართველოს ბანკი“ კოდი: BAGAGE22 ანგ№GE29BG0000000153512100 ს/კ 236 093 473 დირექტორი /ლ. მიგინეიშვილი/